

Na osnovu člana 38. Statuta općine Srebrenik („Službeni glasnik općine Srebrenik“, broj: 01/08), i člana 146. Odluke o komunalnom redu („Službeni glasnik općine Srebrenik“, broj: 6/06 i 10/11), Općinski načelnik d o n o s i :

## PROGRAM

aktivnosti na realizaciji proljetne akcije uređenja grada i naseljenih mjesta na području općine Srebrenik za 2017. godinu

### I UVODNE NAPOMENE

Članom 146. Odluke o komunalnom redu („Službeni glasnik općine Srebrenik“, broj: 6/06 i 10/11), mjesec maj određen je kao mjesec uređenja grada i naseljenih mjesta na području Općine, te se u tom smislu i organizuje Akcija uređenja.

Akcija će početi 03. maja 2017. godine i trajati do 31. maja 2017. godine.

### II PLANIRANE AKTIVNOSTI

1. Nabaviti i zasaditi sezonsko cvijeće, parkovsko rastinje, sadnice ruža, žive ograde, trave i sl. prema specifikaciji sadnog materijala usaglašenoj između Službe za prostorno uređenje i zaštitu okolice (Služba) i JP "9. Septembar" d.d. Srebrenik (Komunalno preduzeće).

*Nosioci zadatka: Komunalno preduzeće i Služba.*

2. U što kraćem roku završiti planirane radove na uređenju javnih zelenih i drugih površina u gradu Srebreniku, u skladu sa Programom zajedničke komunalne potrošnje za 2017. godinu, što podrazumijeva:

- uređenje zelenih površina;
- popravka i farbanje kanti za smeće;
- ograđivanje novih zelenih površina metalnim stubićima i lancima, te redovno održavanje (farbanje i popravka) ranije postavljenih;
- farbanje klupa, betonskih zidića i žardinjera.

*Nosioci zadatka: Komunalno preduzeće i Služba.*

3. Izvršiti temeljno čišćenje svih javnih površina u gradu i javnih zelenih površina u ostalim naseljenim mjestima (površine oko zgrada u centrima naselja, površine sa spomen obilježjima, lokaliteti Starog grada i Šehitluka), a nakon radova na zelenim površinama izvršiti i temeljno pranje svih javnih saobraćajnih površina na kompletnom gradskom području, prema dinamici usaglašenoj između Službe i JKP.

*Nosioci zadatka: Komunalno preduzeće, komunalna inspekcija, Služba.*

4. Izvršiti branje otpadaka sa teško pristupačnih površina oko Starog grada – Gradine.

*Nosioci aktivnosti: UG Gorska služba spašavanja Srebrenik i Komunalno preduzeće.*

5. Organizovati akciju uklanjanja divljih deponija smeća, čišćenja šireg područja planine Majevice i svih vodotoka na području općine Srebrenik, za dane vikenda 13. maja 2017. godine.

Akciju čišćenja i uklanjanj divljih deponija smeća organizovati u saradnji sa Mjesnim zajednicama, ekološkim i sličnim udruženjima sljedećom dinamikom:

- Dana 04.05.2017. godine (četvrtak) u 11<sup>00</sup>h, u prostorijama Doma kulture u Srebreniku organizovati sastanak sa predstavnicima svih Mjesnih zajednica, predstavnicima NVO

(Eko zeleni, Eko Ratiš, Vijeće mladih općine Srebrenik - Eko mreža, Omladinsko udruženje „Ljiljan“ Lisovići, Udruženje mladih „Tinja“, Eko fond „Butro“, S1-priroda i društvo Srebrenik, Planinarsko društvo, Lovačko društvo, Ribolovno društvo i dr.), privrednih subjekata (Ingram, JATA, ITK Musić, Kopex, JVP) i JP „9. Septembar“ d.d. Srebrenik, na kome će Općinski načelnik sve pozvane upoznati sa planiranim aktivnostima Akcije;

- Predsjednici Mjesnih zajednica i NVO će u saradnji sa Službom identifikovati lokacije za čišćenje, te organizovati volontere za čišćenje divljih deponija na terenu;
- Akciju uklanjanja divljih deponija organizovati za dane vikenda 13. maja 2017. godine;
- Putem medija (radio Srebrenik, NTV „Jata“, web stanica opine Srebrenik), animirati stanovništvo i tokom cijelog perioda trajanja Akcije obavještavati o istoj;
- Sav prikupljeni otpad deponovati na sabirna mjesta pogodna za utovar u kamione Komunalnog preduzeća;
- Odvoz i trajno zbrinjavanje prikupljenog otpada izvršit će Komunalno preduzeće u dane trajanja Akcije, a u slučaju da se iz tehničkih razloga sav prikupljeni otpad ne može zbrinuti u navedeno vrijeme, Komunalno preduzeće je isto dužno završiti u naredna tri dana.

#### *Organizacija i nosioci aktivnosti:*

- Poziv za sastanak svim naprijed navedenim, te organizaciju sastanka u Domu kulture priprema Služba za opću upravu općine Srebrenik;
- Vođenje sastanka, Općinski načelnik;
- Priprema obavijesti za medije, Služba za prostorno uređenje;
- Medijsko praćenje Akcije, Radio Srebrenik, NTV „Jata“ i web stranica općine Srebrenik (Esed Dedić i Nedim Mujčinović);
- Organizacija volontera na terenu, predsjednici MZ i predsjednici NVO-društava;
- Odvoz i zbrinjavanje prikupljenog otpada, Komunalno preduzeće;
- Koordinacija svih aktivnosti, Služba za prostorno uređenje i zaštitu okolice.

### III NADZOR I ZAVRŠNE ODREDBE

Za koordinaciju i praćenje svih aktivnosti po ovom programu zadužuje se Miralem Fazlić, stručni savjetnik za zaštitu okolice.

Općinski načelnik očekuje i zahtijeva maksimalni angažman svih Nosilaca aktivnosti po ovom programu.

Program dostaviti navedenim Nosiocima aktivnosti.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK  
- Općinski načelnik -



OPĆINSKI NAČELNIK

Dr. sci. Nihad Omerović

Broj: 07- 519 /2017  
Srebrenik, 20.04. 2017. godine